

欽定剿平三省邪匪方略

欽定剿平三省邪匪方略正編卷一百八十八

庚申年

七月初一日

辛巳

長麟奏言竊

臣

探聞伍金柱與

丹學勝張世龍三賊匪合爲一股約有二萬

餘人直向東趨

臣

卽督兵疾馳前進十七日至

紅渠地方探知賊匪等屯聚傅家鎮相距

臣營

僅十餘里當於是晚踴明路巡預備進兵至十

八日五鼓派總兵觀祥叅將阿爾絀阿帶領步

隊一千七百餘名由山梁前進革職將軍富成
侍衛巴彥泰等卅領馬隊二百餘名由溝內前
進直抄賊營臣一卅領兵勇三百餘名隨後接應

黎明至傅家鎮臣該匪詭譎異常探知官兵前
來早有數千人卅排列山梁其餘賊衆於山溝樹
林及高粱茂密之中處處埋伏臣見山梁上賊

匪甚多及見官兵並不接仗卽思逃遁疑其必

有好計先令馬隊馳赴溝內搜撲伏賊俱起富
成等鎗箭齊施先斃賊匪數十人各賊匪不能
藏匿紛紛奔上山梁正思併力抗拒經步隊趕
上用鎗礮擊斃斃執旗賊目二人並擊斃賊
衆百餘人賊匪敗走卽順山梁向東奔逃我兵
馬隊一齊追殺又斃賊匪百餘人生擒四十一
人追殺三十餘里至偃牛山賊衆搶上山梁據

險抗拒我兵亦卽搶佔架子山兩道山梁東西
相對兩頭有路可通觀祥阿爾綳阿卽帶領步
兵由左首山坡進攻富成巴彥泰帶領馬隊由
右首山坡進攻賊匪撲壓數次官兵屹然不動
疊用鎗礮轟擊斃賊二百餘人持至午刻炎熱
如蒸官兵並無勺水可飲而鎗礮數施卽至炙
手臣趕緊催夫數十名運水上山官兵始得稍

解渴煩未申之間我兵攻撲賊匪數次鎗礮如雨烟氣漫山又斃賊匪數十人無如擊斃一人之後賊匪輒增添數十人比至天黑賊匪愈衆我兵奮力攻撲人人用命賊匪盡伏於山頂之後持至更餘忽聞右首山梁齊聲吶喊賊匪以全力撲壓富成所帶官兵抵敵不住被賊衝斷皆黑中不辨路徑富成猶督率兵勇竭力支撐

詎以馬蹶滾山叅將台清阿趕往救護富成台
清阿俱受矛傷陣亡跟隨富成之佐碩巴里善
王君佐亦因被壓受傷捐軀殞命觀祥阿爾綳
阿等急趨策應奮力衝殺短兵相接戮殺賊匪
數十人賊匪全數退回正在撤集兵勇聞三鼓
後忽於月光中遙見賊匪數千人潛由山後繞
與西北直趨有欲偷劫營盤之勢臣當卽趕緊

馳回傳令各營施放鎗礮賊匪攻撲四次官兵鎗礮不絕擊斃賊匪數十人賊始紛紛四散繞山折回向東逃遁此次殺賊自十八日寅刻至十九日丑刻止先後斃賊二百餘人生擒四十一名內二十三名訊係正賊俱行正法餘係被裹難民均經給予盤費路照卽時釋回至官兵被壓山下之時滾山陣亡約有二百餘名容俟

查明確實報部惟都司金銳現無下落俟查明再行核辦再額勒登保統領大兵已由徽縣之樗樹壩追賊前進札克塔爾楊遇春格布舍定住九十等帶兵已由黃牛舖入甘趕赴三岔山進剿綸布春穆克登布桑吉斯塔爾等亦已先後由唐藏太渠等處入甘分投追剿大兵雲集

臣現與額勒登保詳籌剿辦章程定議後迅卽

奏

聞奏入

上命軍機大臣傳諭額勒登保長麟曰前因長麟辦
賊遲緩將伊花翎革去今連次親督兵勇與伍金
柱再學勝等股匪接仗頗爲奮勉若再能殺賊立
功不但賞還花翎必當優加恩賚至富成帶兵由
右首山坡進攻於黑夜中被賊衝斷不辨路徑以

致馬蹶受傷陣亡富成本係成都將軍上年帶兵
進剿張映祥一股惟事尾追尙係軍營通弊而於
兵丁搶奪強買者猶能分別懲治並非不加管束
是以彼時未將伊發遣枷號僅予革職仍留軍營
作爲披甲原冀其奮勉出力再加錄用卽此次富
成督率兵勇竭力殺賊若非於昏夜迷途致有挫
失則朕必量予官職乃竟落馬陣亡殊爲可惜富

成雖現係披甲但會任將軍又因打仗捐軀著加
恩照副將陣亡例賜卹所有應得世職卽著查明
伊之子嗣承襲至叅將台清阿因趕往救護富成
亦受矛傷陣亡著加等照副將陣亡例賜卹其跟
隨富成之佐領巴里善王君佐因被壓受傷殞命
亦著咨部賜卹官兵被賊匪下壓滾山陣亡至二
百餘名之多均著長麟查明報部議卹觀祥阿爾

綳河本在左首山坡進攻聞富成於右首山坡被賊撲壓急趨策應雖未能將富成救出但奮力衝殺賊匪全數退回亦屬可嘉著交部議敘以示獎勵至侍衛巴彥泰並未一同打仗且台清阿尙趕往救護巴彥泰近在一路何以轉未親往援救長麟摺內僅稱都司金銳不知下落而巴彥泰並未提起彼時該侍衛究在何處或因黑夜中見賊人

勢衆有意躲避著長麟查明據實叅奏此時伍金
柱等股賊匪向東逃竄而長麟摺內稱額勒登保
已由徽縣之樗樹壩追賊前進札克塔爾楊遇春
已由黃牛舖入甘趕赴三岔進剿綸布春穆克登
布等先後由唐藏等處入甘追剿殊欠明晰賊勢
現向東趨額勒登保等由陝入甘自東向西正當
迎頭截擊若如長麟所稱是轉在賊後追剿或長

麟於甘省路徑未能熟悉軍行向背之勢亦聲敘
不明額勒登保業經帶兵赴甘所有一切剿捕事
宜長麟當與會商辦理正當趁賊匪竄聚甘省之
時分飭各路認真堵剿不可使竄匪折回陝省亦
不可令闖入川境長麟係陝甘總督不但剿賊是
其分內之事卽一切兵馬糧餉亦須妥爲經理昨
令台布先將所發陝省餉銀五十萬兩撥解甘省

又另撥浙江捐銀五十萬兩解陝本日又據張誠
基奏碾米十萬石運陝備用陝甘兩省原屬一事
長麟惟當督飭承辦各員熟籌妥辦倘有不敷卽
飛咨台布隨時接濟俾供支無缺爲要

初三日

癸未

額勒登保奏言竊

臣

行抵徽縣地方

聞長麟等在傅家鎮截剿伍金柱等股賊匪始
獲全勝旣而官兵亦有損傷當卽率同履成等

由窄峽子趕至焦山及至該處賊匪又自西北
竄止擬覓道前進適據穆克登布稟報該鎮追
剿之高戴周陳張等股賊匪又有今竄出淺道
之勢當卽嚴飭穆克登布盡力攔截惟賊匪詭
譎恐引軍深入西南又可乘閒東折陝境臣一
面札知長麟阿哈保等暫行顧住西北臣隨由
韓家灣一帶覓有捷徑仍抄出兩當以便與穆

克登布杜其入棧之路二十三日午間行次兩
當知穆克登布於二十二日在該縣十餘里外
之靈官殿窮子崖等處將高戴周陳張等股賊
匪痛加截擊追殺數十里共斃三百餘名生擒
三百十二名口臣是晚馳抵楊家店據穆克登
布等稟報又已同桑吉斯塔爾帶侍衛愛星阿
捫欽保雅林保并副將叅遊等連夜赴方石鋪

一帶攔截將所獲之賊留交臣審辦臣逐一提

訊內有被脅男婦一百五十四名口俱卽釋放

其餘實係賊犯悉行正法內有小頭目富萬卽

行凌遲處死次日探報二十二日有騎馬賊探

赴酒店梁窺伺經長春所派都司陳全義用鎗

礮轟擊賊匪知有官兵嚴備西折馬厰南家關

一帶從西南而遁黑夜止齊穆克登布帶兵跟

追已兩晝夜逼賊未經東竄卽於方石舖暫紮
又據札克塔爾楊遇春等呈報十四日在東岔
河曹家坪桃花溝一帶將馬五張添倫等股匪
追越數重大山斃賊四百餘名生擒探馬頭矛
子手等七十九名並稱該匪等已奔赴渭河南
岸欲覓淺躡過因隴州紳士團勇等早將渡船
撤盡並於對河用礮轟擊賊匪折向東奔又經

格布舍同豐紳等截殺賊匪百餘名餘匪悉奔
木溪溝而去嗣又據報七十八等日該匪等
四路奔逃有向渭河前去者有折向寬灘欲奔
黃牛舖草涼驛棧道者札克塔爾楊遇春格布
舍等趕緊分路抄擊提督定住在黃牛舖與九
十會合即囑定住帶兵至寬灘攔阻預防其竄
入棧道札克塔爾楊遇春等分帶將領於東河

橋華陵溝等處於殺兩日內約計斃賊三百數十名捉獲男婦一百餘名口賊匪亦不敢東竄棧道節次打仗兵勇間有傷亡定住所帶鍋帳在孟家灘經前軍剿潰之賊衝出猝不及防遺矢過半兵丁內有被害者數名另行查明具報所獲賊犯審明正法其餘被擄之人亦卽省釋查張添倫馬五等賊奔向西北經札克塔爾楊

遇春定住格布舍等趕剿阿哈保等亦在秦州

西南一帶領有兵勇三千餘名追剿辛聰宋祿

子顏勝可魏棒棒及楊開甲餘匪臣已檄知札

克塔爾阿哈保等倘遇大股之賊則併力兜剿

如遇賊匪分竄則仍分路截擊又伍金柱冉學

勝等股被長麟截剿後現奔西和禮縣一帶臣

復札致長麟帶同廣厚前赴秦州鞏昌等處剿

堵務使完善之區勿遭蹂躪至穆克登布所剿之高戴周陳張等股現奔徽縣兩當之南面地界臣仍暫駐楊家店差探該匪等確實竄蹤卽率同穆克登布一路官兵相機辦理再此次各路出力之侍衛將弁等容當查明保奏請

旨施恩

額勒登保又奏言竊以教匪連年滋擾未能竣

事者實緣該匪等自前年冬間被剿逃散又復再行屯集官兵日事追逐過於疲勞而隨處運送軍火糧餉亦因茲而用帑較費又以賊匪之倏東倏西或多或少故不能預定蕝事之遲速然賊數雖衆似乎聲息相通其實彼此並不相顧既無伎倆又復人各異心我軍紀律嚴明我藝嫻熟在在可以制勝以此揆度斷無不即蕩

平之理況目下賊勢較上半年已大相懸殊卽

如臣前在甘省剿賊陝省仍有賊匪滋蔓此時

雖未能在陝卽將各股賊匪剿盡究因敗潰而

折竄甘臣恐該匪等因甘省地土瘠薄其勢

必欲旁竄陝之隴州以及棧道直至南鄭西鄉

紫陽石泉邊境除原派有提鎮司道等嚴備外

近又添派岱森保恒瑞和興額等分佈要處查

加剴切咨檄若堵禦果能嚴密

臣

又親督官弁

兵勇一萬二三千名分路加緊剿辦殲滅一二

股其餘各股之脅從者必多解散真正教匪斷

不能日久存活卽或有一二股不能折回陝境

或至遠出川北將來歸併辦理亦易得手此

臣

一路之情形如此其湖北之徐添德股匪亦時

據地方稟報已竄南漳均州一帶較之前在荆

州襄陽時已有歸宿川東川北之賊時接德榜
泰勒保等來信自潼河一帶剿淨後各股賊匪
雖在川北等處分竄其勢亦俱衰敗總之平賊
之道誠如

聖諭無外乎剿堵二端剿者不能預定賊之分竄所
藉在堵堵者不能歷久與賊相持又在剿者不
予以暇且如陝省防堵之兵分安各卡隘者共

計二萬有餘但使人人各盡其心各盡其力疆
圉之綏輯要可計日而待其餘亦可類推再近
又仰蒙

皇上於黑龍江調兵一千名吉林調兵五百名查此
項官兵非馬力不能得濟而此一帶山高路險
馬匹易於倒斃現有之兵所騎馬匹幾經更換
用兵各省馬匹俱已短少氏曾經札商吳熊光

在河南調用馬匹已據辦有三百匹解來尙不
敷用又在固原等處屬長麟台布酌調應用若
再添兵又須添馬亦非斤斤惜費但以臣一路
而言竟可無庸添調此時廣東兵一千五百名
聞已可入陝境臣因賊蹤無定并暫令在褒城
一帶駐劄候調又欽奉

諭旨令將各路疲病無用官兵查明裁汰臣軍營除

上年遣發不計外自本年正月至今滿漢屯土官兵內共遣發過一千五百五十三員各惟陝甘二省仍囑長麟台布飭各標營補足酌撥防堵其餘各省較遠不必再行補送而官兵等從征旣久無不卽思離營其中或有藉病託故等事臣業已通飭嚴行查辦其各處留養官兵俱就近責成司道及留駐武職大員公同查驗傷

病殘廢屬實始准遣發至餉銀一項定有章程
並無浮用其應用者亦斷不能節省

聖諭明切長麟等自能籌計臣於一切事宜刻加籌

慮總期及早一律蕙事實不敢稍有疎懈奏入

上命軍機大臣傳諭額勒登保長麟台布曰此次竄
入甘境各股賊匪額勒登保料賊詭計必思引誘
官兵深入西南該匪等乘間東折陝境飭令札克

塔爾楊遇春桑吉斯塔爾穆克登布等分路截剿
不令東竄共擒殺賊匪一千六百餘名所辦可嘉
現在高墩陳周張等股匪額勒登保率同穆克登
布一路官兵探蹤剿辦張添倫馬五等奔向西北
有札克塔爾楊遇春定住格布舍等追剿辛聰宋
麻子等股及楊開甲餘匪有阿哈保等在秦州西
南一帶追剿其五金柱冉學勝等股有長麟帶同

廣厚在秦州鞏昌等處攔截處處俱有官兵奮擊
而目前緊要機宜總在顧住棧道不令折竄陝境
趁賊匪俱在甘省之時額勒登保務當分飭各路
官兵將賊匪卽在秦州徽縣兩當地方全數殲除
此爲正辦設或有一二股賊匪未能剿盡寧可逼
入川北斷不可令其回陝又入南山老林潛匿又
另摺覆奏籌辦情形所論俱是自屬實在情形額

勒登保分派各路堵剿兼施而各股之賊現在甘
省屯聚額勒登保不令他竄所辦亦有把握至所
稱派調黑龍江吉林兵一千五百名現在因馬匹
短少且陝西防堵之兵共計二萬有餘竟可毋庸
添調一節陝省兵方既不單弱足資堵剿所調黑
龍江吉林兵丁自可毋庸前往但此項兵丁業已
起程頭起官兵於本月中旬即可到京陝省雖可

無需而湖北四川或尚有需派撥之處彼時朕尙當酌量情形分撥前往若其時三省賊匪俱可以次辦竣無須添兵亦當酌加賞賚令其仍回原處以酬往返之勞其新調粵東兵一千五百名據稱留駐褒城亦與前旨適相符合至新募之兵究不足恃卽如定住所帶直隸兵八百名在孟家灘地方被賊匪衝出將所帶鍋帳遺失過半兵丁並有

被害者此其明證可見新兵不能得力額勒登保
令遠省不必再行補送所見亦是又所稱甘省馬
匹短少前調河南馬三百匹尙不敷用一節昨據
長麟按照保寧原奏先於肅州涼州等處調取馬
三千匹分交蘭州秦州鞏昌三局喂養額勒登保
如需用馬匹卽向長麟就近調撥應用不必稍存
惜費之見至甘省地瘠民貧賊匪不能久居必思

旁竄陝西隴州或由棧道前至南鄭西鄉紫陽石
泉邊境此則陝省地方官之責現在該處本有提
鎮司道等帶領兵勇嚴密防堵額勒登保又派岱
森保恒瑞和興額等分佈要處台布現駐鳳縣此
一路著責成台布與王文雄幫同岱森保等實力
堵截再張添倫馬五等股賊匪奔近渭河南岸經
隴州紳士團勇等將渡船撤盡並於對河用礮轟

擊賊匪折向東竄一節著長麟查明該紳士等如何出力其首事係屬何人奏請酌量加恩以示鼓勵又該州知州曾否督同紳士等出力一併查奏

初五日酉乙台布奏言竊臣接據探報唐大信一

股潰匪竄在葫蘆壩欲與龍紹周合夥而龍逆等賊匪在大西山倚林盤踞該處西通勞溪河小祥壩樹木叢雜路逕紛錯官兵不能兜圍惟

有於總要隘口嚴密堵扼再令遊兵誘之出山
方可剿辦提督王文雄於總路之司上紮在後
分派副將鮑貴都司楊光時帶領兵勇由楊溪
河倒坐廟相機轟逼守備馮貞帶領兵勇由十
二嶺前沿道埋伏署西鄉令知州宋昌琿亦派
鄉勇往魏家寨堵住西路要隘該提督侯信策
應緊顧北面分撥既定宋昌琿帶領鄉勇於十

二日行抵魏家寨賊匪在高岡窺見該牧鄉勇
較單叫嘯四出將義勇首千總孫榮圍住孫榮
指麾衝突鎗礮齊發寨內居民復出接應賊衆
始行退回又於十四日辰刻賊衆四面圍住魏
家寨孫榮扼住寨前連放大礮排鎗擊死賊匪
八名馬二匹寨西鄉勇擊死賊匪十餘名鄉勇
首張林貴鎗傷左乳自辰至未悉力抵拒賊猶

未退復分股往攻察西之吳家寨該處民人驟
不及防以致猝被攻破男女俱有傷亡賊匪仍
回至魏家寨龍紹周自騎黑騾聲言誓必破寨
孫榮等率同寨民併力拒守四更後賊又潛退
寨南往羅家寨攻打孫榮等分鄉勇二百名前
去救援賊匪折由熊耳溝王黑壩一路逃竄令
後隊賊匪留攻相距二十里之松潘寨孫榮等

所派救應羅家寨之鄉勇來到幫同抵禦沿途
救出吳家寨被擄難民賊衆於十八日辰刻仍
各折回攻撲魏家寨王文雄所派守備馮貞等
得信後繞道趕至內外夾擊外委李存義用礮
轟斃騎馬賊一百餘名各賊始捨魏家寨分兩
股由大源溝麻柳灘兩路奔逃查魏家寨居民
較爲殷富是以唐龍二逆覬覦攻破以便擄掠

今圍攻五日義勇首千總孫榮獨力支撐曹龍
周明王步蟾陳力鍾世進等亦能齊心奮勇守
備馮貞等派非同路且隔大山數十重得信後
繞道趕至夾擊魏家寨因以保全隨知會王文
雄仍遵經畧指派扼要駐紮確探該二逆窺蹤
隨時設法堵剿

台布又奏言查額勒登保前於帶兵進機時因

西鄉川匪竄擾未定提督王文雄一旅之師未

能處處周顧囑臣暫駐應援嗣經王文雄將西

鄉竄匪擊往東南該提督於扼要之司上屯紮

漢中平原可以無慮臣仍督催糧運由褒留前

進十三日行抵廢邱關額勒登保尙未拔營臣

卽日前往會晤面商布置事宜額勒登保以名

股賊匪旣已入甘斷不可復任竄回派令恒瑞

德忠尙森保汪啟長春舒隆阿並和興額王文
湧各帶兵勇分段擊卡各專責成誠恐該鎮將
等設卡或未嚴密聲勢不能聯絡囑臣順道逐

一查勘臣卽於次日回至鳳縣查附近鳳縣之

太渠唐藏利橋一帶係將軍恒瑞總兵德忠分
駐之地恒瑞於該處地利最爲熟悉但尙在蓋
鄆地界當卽飛札知會催令星速前來接手防

堵復由長春駐守之分水嶺廢邱關廟臺子陳
倉溝汪啟駐守之菜子嶺留壩武關馬道等處
親往周歷逐加查勘該鎮等所設卡隘均係遵
照經畧指派並無舛錯臣又面囑該二鎮現在

兵勇合計雖多處處分防未免單薄全在聲息
相通彼此照應又查梭外岱森保一路從褒城
之雞頭關起直至沔縣道里綿長地勢平行無

險可據兵少難分該副都統所帶一千三百餘

兵實屬不敷派撥隨將

臣

所練鄉勇八百名盡

數交與岱森保添湊拿卡計

臣

到陝第一次所

練鄉勇一半分與那彥成其一半隨經畧營盤

今爲長麟帶去現因打仗出力奏請充作寧陝

鎮營兵適接額勒登保來信又令前赴鳳縣駐

紮巡查

臣

惟有沿途查催補額兵丁另募鄉勇

得有成數帶至鳳縣加緊操演再往寶雞隴州
查勘和興額王文湧汎地隨時擇要策應再前
奉

諭旨傷病營弁兵丁在各州縣留養者卽令查明撤
歸原伍臣於上年九月到陝時見省城寺廟多有

留養病兵當查此項鹽糧殊爲虛費因卽分飭
各府州縣嚴查具報以便委驗確實分別送營

歸伍嗣於十月內會晤明亮據稱留養病兵若
在回原伍將來軍營中必有用藥爛肉假裝傷
病冀圖遣回者此風斷不可開等語臣以明亮
久歷戎行其言必確有所見是以將遊擊徐大
鵬都司尙德患病日久不能動履緣由奏請勒
令休致而留養病兵但令州縣曉諭上緊調治
趕赴大營以杜假捏傷病之弊今屢奉

聖訓以此等兵丁既不能跟隨打仗虛糜糧餉於事
何益莫若撤回原伍以昭覈實統計臣先經查

出者共六百六十九員各現已遣回一百十六
員各尙有五百五十三員各因州縣道里不一
應俟委驗確實再行陸續咨遣均奏入

上命軍機大臣傳諭台布王文雄曰此次龍紹周等
賊匪攻擾魏家寨羅家寨等處希圖擄掠糧食向

西北奔竄經王文雄分派將弁相機攔截賊匪兩
路奔逃不能深入陝境所辦尙好知州宋昌琿派
令鄉勇堵住西路要隘甚爲得力前次賊匪擾及
西鄉該州率領鄉勇越嶺翻山直至賊卡協力奮
擊曾有旨令王文雄查明保奏今又能派勇堵禦
實爲陝省僅有之事自應加之獎勵著合布王文
雄據實查奏候朕施恩義勇首千總孫榮於賊匪

攻圍魏家寨時前後五日獨力支撐擊退賊匪并
分派往援羅家寨救出吳家寨被擄難民甚屬可
嘉孫榮著卽補授千總實缺鄉勇首張林貴於受
傷後尙能悉力抵禦亦屬可嘉並著台布王文雄
查明奏請加恩其餘齊心禦賊之曹龍周明王步
蟾陳力鍾世進等及繞道趕至協擊之守備馮貞
等俱尙奮勇並著查看如再有出力之處據實保

奏看來賊匪雖向大深溝等處奔逃自尙在西鄉
地方遊奕窺伺西南一帶卡隘甚闊緊要台布王
文雄若能趁龍紹周唐大信二逆敗逃之時設法
殲擒卽屬伊二人之功縱不能將該二逆殲獲亦
應實力堵截勿令竄入南山老林此爲最要又據
奏順道履勘附近鳳縣等處分段拏卡情形尙爲
嚴密但各處卡隘雖係分派恒瑞德忠岱森保汪

啟舒隆阿和興額長春等分段擊卡而台布係本省巡撫防守地方尤其專責若各路果能防守嚴密使賊匪不能衝突俾帶兵大員得以盡力剿殺該處防卡之員固屬有功台布卽駐紮鳳縣亦當一併嘉獎尙防堵不嚴致賊匪闖入該處防卡之員罪固難追而台布亦不能辭罪該撫不可因所帶鄉勇八百名已盡數交與岱森保卽藉口並無

帶領兵勇遂爾置身事外卽云台布一路現無多
兵可撥前此總兵馬玉魁所帶粵兵一千五百名
已有旨令其在陝省聽候台布撥用昨據額勒登
保奏請將此項兵丁駐紮褒城台布儘可就近調
取以資堵剿之用至兵丁等實在受傷與用藥腐
爛者無難查驗得實如果有用藥捏傷情弊自應
重治其罪但不可因有一二假捏者疑及衆人台

布當飭令各營遇有傷病兵丁驗明屬實後卽遵
照前旨令其陸續歸伍所省糧餉卽可爲支給現
兵之費也

欽定剿平三省邪匪方略正編卷一百八十九年

庚申

七月初七日

丁亥

德楞泰勒保奏言

臣

德楞泰昨

在川北境內將各股匪衆痛剿均向川東散竄

當卽知會

臣

勒保取道營渠前來會合

茲

勒

保於十五日馳抵營山卽據探報荷文明鮮大

川股匪由該縣所屬之老林場竄至渠縣永興

場欲赴三匯搶船經署三匯縣丞虞廷幹率領

鄉勇擊退賊卽折回直奔高寺寨圍攻兩日該處爲達州後路糧臺關係非輕難時七十五之兵尙未趕到臣勒保先已帶到兵勇一千四百

餘名當卽督同總兵薛大烈連夜馳往十六日

申刻趕至高寺寨正有匪衆二千餘人在彼攻

撲內喊放鎗勢頗猖獗臣勒保與薛大烈分兵

兩路左右進攻該匪等並未抵拒亡命狂奔高

寺寨之圍立解我兵追至清河壩時已二更匪
衆紛紛躡淺渡河當破官兵殺斃二百三四十
名被水淹斃者亦多擒獲活賊趙學重等四十
八名投出難民王春華等一百十三名旋據採
報樊人傑一股又從佛樓寺竄出賊探已至巖
峯澁卽在高寺寨之後而虜向瑤劉朝選湯思
蛟一股又在林壩溪一帶滋擾重東西南三面

俱有賊匪未便孤軍深入是以在清河壩暫紮
隨飛催七十五加緊趨行於十八日趕到當卽
督同前進行至太平寨探知鮮大川等與樊人

傑合夥均由杜市街向大竹一路南竄因臣德

楞泰業由江口一路而來臣勒保自應在此暫

候會商當派七十五帶領兵勇六千餘名由麻

柳場一路馳往截剿臣德楞泰自十七日由巴

州江口取道營渠沿途逃出難民絡繹於道訊
知各股賊匪在通巴境內屢被我兵剿散晝夜
奔逃甚形慌懼該難民等得以乘間逃出當用

好言慰撫各令回籍安業茲

臣

德楞泰於二十

二日到太平寨查李紹祖一路日來追剿湯思
蛟等股未能得手十八日師次大竹縣探知苟
文明等股已竄至月華坪大羅山一帶該鎮恐

腹背受敵卽於十九日五鼓發兵辰刻抵堰塘
灣正遇賊匪千餘蜂擁而來李紹祖卽與副將
託雲秦倭星額分作三路迎擊斃賊三十餘人
並執旗馬賊一名生擒侯廷儒等三名追至鄒
家灣賊匪大隊在彼屯聚竟敢直前抗拒被我
兵鎗礮擊斃二百餘名生擒趙學濂等十一名
餘俱遁入深林又於二更後前來劫營直至天

明連撲五次我兵悉力抵敵徹夜鎗箭並發清晨查驗賊屍五十三軀據獲賊認驗內有偽總兵苟文貴副元帥白迥屬實餘匪向清溪舖竄逸而劉朝選湯思蛟庾向瑤等一股業由檀木場一路竄出二十七日七十五帶兵至新寧縣探知蔣池壩馬驛溝有賊竄擾距新寧不過四十里七十五卽於三更發兵黎明至馬驛溝正

值該匪等率眾前行官兵在北面山梁見前隊
之賊俱係婦女當令兵勇埋伏林箐讓過前隊
隨後卽有賊旗數十桿馬步賊匪二千餘人沿
河行走我兵三路壓下賊匪猝不及防衝成四
段紛紛潰逃七十五卽督率將備分投追躡於
豆山關大雄寨蒲安寨蔣池壩等處接仗統計
殺賊五百餘名擒獲賊口馬先貴並夥匪張長

壽等一百三十二名逃散者亦多搶獲賊旗刀
矛三百餘件騾馬三十八頭匹餘匪向鐵銷橋
南堽場兩路竄逸七十五因探知樊人傑鮮大
川等大股匪衆竄至梁山境內相距亦近恐其
抄截後路旋即帶兵迎擊臣等現亦督兵由仁
市舖一路進發當即知會七十五李紹祖分路
偵探而來以三路之兵剿此萬餘之賊可期得

手且連日據營山渠縣達州隣水大竹廣安各
州縣稟報賊匪屢撲該處屯寨有被寨勇截殺
賊匪百餘人並數十人不等是團勇之出力漸

有效驗而東鄉縣辦理招撫有投出之小頭目

庾珍密約張子聰之姪張廷鳳帶同夥匪十餘

人赴縣投誠可見招撫亦有成效事機頗爲順

利臣等惟有督率鎮將策勵兵勇分投上緊剿

辦斷不敢稍有鬆懈

德楞泰勒保又奏言竊臣等前奉

諭旨飭令會籌軍務全局以期堵築皆收實效伏思
兵不在多而在精川省現有征防各兵統計滿
漢屯土共二萬八千九百餘名其中防兵多於
征兵而征兵逐日移營百數十里衝寒冒暑易
於受病每次打仗又復間有受傷隨處留養日

積日多痊愈歸伍者不過十之二三臣等因其

散處難稽均令赴達州派員照料調養現在共

有一千六百八十四名臣又委員查驗其中已

愈者六百六十九名即令各歸各伍未愈而可

期痊愈者二百九十六名仍令在達州調治其

傷病較重難以速愈並已成殘廢者七百一十

九名現各遣回原營此外尚有傷病本重留養

各州縣不能卽至達州者每處自百餘名數十
名至數名不等現亦一併飭查分別去留惟自
去年遣撤之例一開各兵內卽有捏病裝傷故
意落後之人甚至有假刻印票冀圖私自回籍
者現經_臣等查出數起按照軍法嚴辦通行各
州縣查核至防兵內如巫山大寧太平廣元龍
安松潘等處與湖北陝甘交界各要隘仍令照

常設卡巡防並嘉陵江西岸亦嚴飭地方文武
分布鄉勇防守外現又派令總兵許文謨副將
趙得功帶領兵勇二千餘名分成兩隊作爲游
兵隨時偵探賊蹤遠近視賊所向隔岸跟防遇
其偷渡其餘守城守卡各兵擇其可撤者均酌
量抽調來營以資征剿惟內有江西湖北湖南
三省兵丁俱零星不成一隊查湖北現有江西

整隊之兵在彼剿賊湖北湖南更屬本省

臣等

擬將此項官兵俱撥赴湖北交與明亮就近歸隊以期得力至各路隨征鄉勇未便驟然裁減實恐無藉之徒轉流而爲匪惟有從此停止招募不准再添自可日見其少其各州縣零星守卡鄉勇前經

臣

勒保奏明悉令歸併鄉團現已

通飭照辦惟其中或有從別處招來者尙須酌

量情形次第刪裁以免失所至團練義勇堅壁
清野一事川東川北地方雖俱先後舉行因情
形各有不同辦理未能畫一近來賊匪因無處
擄糧不時攻撲寨砦冀圖掠食擄人每有小寨
砦間被蹂躪者此皆小民性貪便益就其房屋
田糧不肯遠移大寨各於附近山梁紮成小寨
聚處殊不知大寨地險人稠防守易於爲力小

寨人少勢孤賊易窺視現今小寨歸併大寨庶
聲勢壯盛可以杜賊覬覦之心仍令將米糧牲
畜悉行移置寨砦毋許存留場市村莊更不得
於賊至之時慮其攻撲堡寨竟將糧食等物擲
給賊人此後如有私自助賊者查出卽以私通
賊匪按律治罪並嚴禁各寨不許將逃出難民
任意剝衣拷打及擅自殺害等弊現在臣等會

商將兵勇通盤籌畫分別征防悉心挑配以冀
剿捕悉資勁旅堵禦各有責成更復繼之以撫
俾脅從者相率來歸賊黨日見解散臣等現已

會合一路兵力較盛且時交秋令天氣涼爽更
當協力同心策勵將士趕緊剿辦以期秋冬間
將川省各股悉數辦完再查川省各標營從前
屢次招募新兵共有二萬四千七百名每年除

額設制兵錢糧外又添兵餉三十餘萬兩需費
實屬浩繁且不日大功告成此項新兵又須酌
量裁汰辦理亦屬非易應請嗣後制兵缺額均
以前項新兵撥補足數新兵缺額卽不必再行
招募如此則不裁而自減亦屬弭兵節省之道

德楞泰勒保又奏言

臣

等前奉

諭旨官弁內有因傷病留駐該省者應卽飭令回京

及撤回原營遵卽通查現在川省因病因傷留
養滿漢各員內有新傷難愈者有舊傷復發者
並有久病未痊或衰老無用者共十四員均經
委員查驗屬實臣又復核其平日勞績分別等
差謹開單奏

聞卽一面給咨行令該員飭令各回旗籍原營以節
糜費再臣等更有請者用兵日久賞罰宜嚴各

將領雖不乏始終出力之員然亦有久而易懈者此等人員目前尙無貽悞實據而從前實著有勞績若因其一時疎懈卽行叅辦又覺軍法太嚴失之過當若竟因循不辦稍事姑容又恐相率效尤將士難期整飭茲公同商酌除領兵各將備實有貽悞畏縮情事自當隨時奏明嚴辦外其餘均請定以陞降規條明白曉諭如果

始終奮勉歷久並無懈心當就其打仗殺賊之
功不次保薦未便拘泥資格致掩其長倘有從
前出力已邀獎擢而意存自滿不復認真巴結
者或立時拔其翎枝或降等另行補用隨時彙
奏一經悔罪立功仍當據實奏請超擢使各官知
所感懼自不致始勤終怠

德楞泰勒保又奏言查重慶鎮總兵爲川東重

鎮現值竄匪未靖凡督飭鎮屬操防撫馭各事
宜均關緊要查有新放貴州安義鎮總兵馬瑜
係由四川軍標中軍副將蒙

恩補授今職該鎮久在川省營務軍情素所熟悉以
之調補重慶鎮總兵實爲得力其所遺安義鎮
總兵一缺查有提督銜七十五會任貴州副將
熟悉黔省營伍情形可否卽令以提督銜補授

安義鎮總兵之處出自

皇上天恩再叅將增順_臣等遵派員弁提至軍營會

同審訊據供增順署松潘遊擊代辦鎮事今年

三月間賊匪由甘竄入川境伊帶兵在雪欄關

等處屢次截殺並將落後之賊一百餘名盡數

殲獲嗣緣賊匪遁入鐵爐寨番地增順自松潘

來至南坪查各卡隘防兵不敷隨稟明添派把

總李掄元帶兵二百名防守羊肝山外委邊德
義帶兵三百七十名防守二道橋增順在南坪
督同守備胥耀宗佈置防堵卽稟明親身前往
二道橋等處督率堵禦詎初四日甫至二道橋
卽有賊匪前來撲卡督同邊德義竭力抵禦殺
賊七名我兵受傷十一名邊德義亦受石傷相
持三四時之久賊始退去不料次日賊由二道

橋以西十餘里外山梁衝過番兵卡子直奔月
蘭山增順因月蘭山距南坪甚近該處爲糧餉
軍火重地卽將官兵撤回南坪賊至南坪攻撲
兩日增順竭力堵截殺斃賊匪一百餘名得以
保守無虞但羊肝山二道橋兩處俱係增順稟
明安設營卡致被賊匪竄出實屬疎忽無能只
求從重治罪等語質之在事兵丁等供亦相符

等以增順代辦松潘鎮事當賊匪竄入川境之時既已疎於防範迨安設營卡復不能嚴密固守以致賊匪竄出其疎悞之罪斷不能因前此雪欄關等處殺賊微勞稍從末減惟賊匪攻撲二道橋之時增順曾親身帶兵擊退迨賊又繞道由番地山梁竄出增順以徒守無益退守南坪又復與賊對敵兩日得保南坪營汛較之

畏蕙退縮者尙屬有間可否卽在軍營對衆重責四十棍用重枷枷號隨營遊示俟大功告竣仍發伊犁充當苦差之處恭候

訓示遵行

勒保又奏言查川省軍興以來達州保寧兩處本未設局嗣緣和寧英善先後接辦糧餉始行分設兩局今蒙

聖恩飭交

臣籌辦

臣

愚以多設一局卽多一局之費

且事竣報銷仍當均歸省局辦理自應將達州
保寧兩局一併裁撤歸併省局總辦所有轉運
糧餉軍火等項原可各歸本任道員督率經理
刻下各股賊匪俱已竄入川東臣等現由此兜
剿凡團練鄉勇招撫難民等事均須川東道嚴
士鉉逐處稽查督辦未便令其專駐達州查有

永寧道陳預辦事實心才具明幹向在達局經理裕如應令該道仍在達州總理川東一路糧運可期得力至川北一帶目下軍務尚簡川北道李鉉本駐保寧儘可檄委該道就近總理川北一路糧運凡有支用糧餉及籌撥各項軍需均令該道隨時稟明並知照省局核辦以歸畫一

一至

臣

前在保寧查該局存銀截至本月初六

日止存銀十萬八千二百餘兩令查達局截至
二十日止存銀十二萬三千四百餘兩臣惟有
督率總理並臺站糧務各員倍加撙節支用斷
不敢稍有浮費均奏入

上命軍機大臣傳諭德楞額奏勒保曰此次勒保取道
營渠與德楞額奏會合沿途將苟文明鮮大川一股
賊匪殺斃二百三四十名嗣因樊人傑等股在巖

峯灘林壩溪一帶滋擾勒保卽飛札七十五帶兵
前來而德楞泰亦由巴州江口取道營渠沿途俱
有逃出難民訊知各股賊匪被官兵剿散甚形慌
懼此是極好機會其李紹祖七十五兩路截剿賊
匪俱有斬獲現在德楞泰勒保與七十五李紹祖
分投偵探賊蹤併力奮擊以三路之兵剿此萬餘
之賊圍逼環攻看來各股賊匪逼歸川東勢漸窮

蹙不似從前散漫辦理較有把握德楞泰勒保當
趁賊匪不能竄往陝境屯聚川東之時督率鎮將
等合力截擊將各股賊匪卽在川東地方悉數殲
擒勿留餘孽至唐大信龍紹周分股賊匪現經陝
省官兵追趕如竄入川境專藉川省官兵攔截德
楞泰等自當速派得力鎮將前往堵剿又甘省高
二馬五等股賊匪前據額勒登保奏稱與其闖入

陝境毋寧逼入川北較易剿辦是廣元昭化一帶亦不可無兵堵禦著德榜泰勒保於七十五李紹祖薛大烈三人內酌派二員帶領官兵分往東鄉太平及廣元昭化等處預爲防堵以遏唐大信龍紹周及甘境各賊竄川要路並可與陝甘官兵成兩面夾擊之勢至所稱營山渠縣等處民寨俱能截殺賊匪是團勇已有明效所辦甚好至投出賊

中小頭目庖珍密約張子聰之姪張廷鳳帶同夥
匪十餘人赴縣投誠是招撫亦有成效事機順利
卽此可見庖珍張廷鳳旣經受撫來投德榜秦勒
保何不量加獎賞或竟賞給八九品頂戴令其前
往賊營招致庖向瑤張子聰等股俾賊匪等見伊
二人投出不但加誅戮並有頂戴榮身聞風忻
躍相率來投豈不省我兵力卽使庖珍張廷鳳去

而不返亦無足重輕俟將來擊獲時再行正法亦無不可又據奏裁撤疲兵團集鄉勇並籌議剿堵各事宜一摺所論皆是至川省餉銀前於閏四月內部撥銀四十萬又六月內由河南撥解銀二十萬計六月所撥之餉自尚在途其閏四月所發餉銀該督會否收到勒保所稱兩局現存銀兩是否係從前留貯之銀抑係收到四十萬後用剩者設

尙須接濟勒保卽當據實奏明聽候續撥並飭諭局員樽節妥辦毋任稍有糜費至七十五此次帶兵前至新寧探知馬驛溝有賊竄擾卽於三更發兵前往密令兵勇埋伏林箐衝出剿殺得有勝仗其從前延玩之咎尙屬可原且於川省地方情形素爲熟悉現在勒保以提督兼署總督事務紛繁難於兼顧所有四川提督員缺卽著七十五補授

勒保著專署四川總督俾得盡心辦理地方及堵剿事宜其重慶鎮總兵員缺著馬瑜調補所遺安義鎮總兵員缺著於軍營應陞出力人員內保奏二員候朕簡放又據奏審擬增順罪名著依擬行再所奏查明傷病滿漢各官分別遣回休致革職已照所擬明降諭旨矣至所請另立陞降章程一節德楞泰係屬叅贊勒保係屬總督川省軍務旣

交伊二人專辦領兵各將弁皆其所轄惟在伊二人隨時查察核其功過分別勸懲若能秉公舉劾自必人思効命毋庸預定章程也

上諭內閣曰德楞泰等奏查明軍營傷病各員內頭等侍衛薩寧阿護軍叅領巴哈吉蘭泰副護軍叅領文昌保烏鎗護軍叅領德官騎都尉塔木哈圖委叅領巴漢太副將伯明雖傷病未能速痊而平

日打仗尚爲勇往著准其各回原任以資調理副
將馬兆瑞叅將劉邦直遊擊花良阿都司劉選或
傷病未痊或年力衰邁著以原品休致各回旗籍
遊擊劉玉成守備喻大相旣經久病而平日管兵
亦屬平常著革職勒令回籍

同日台布奏言查唐大信龍紹周等逆自魏家
寨擊退後分股由大溼溝麻柳灘雨路奔逃因

前被官兵擊斃賊匪五百名內有一名係賊目
支姓之子該匪知伊子被誅憤恨魏家寨復率
精壯戰手千餘潛來劫寨守備馮貞義勇首孫
榮等先經防備一見賊到急用鎗礮轟擊居民
男婦俱用瓦石助擊斃賊一百餘名奪礮二位
賊勢奔潰兵勇追殺數里賊隊竄踞黑山大梁
橫紮守備馮貞把總蔣奉書首領王喜伍敏會

同鄉勇首千總孫榮首領周明曹隆等各帶兵
勇一同進發賊匪於林內突出抗拒兵勇齊聲
奮擊斃賊五十餘名賊匪復折奔山後萬曲灣
潛匿林內不出王文雄聞報以該處窵折幽深
進剿爲艱復派都司哈國壠帶兵由馬家灣會
同都司楊光時兼程趕至黑山分投策應該提
督自帶兵勇數百名由楊溪河至高川截擊二

十二十一兩日夜兵勇夜行晝伏攀附藤葛潛
上黑山於二十二日辰刻齊抵賊營孫榮前作
嚮導卽從黑山下壓賊匪向高川之壽溪河毛
垭子奔逃兵勇隨追隨剿又斃賊八十餘名賊
衆直奔王黑壩王文雄行至尖角場接據稟報
恐賊匪繞回高川卽在尖角場紮住訊據獲賊
吳兆文周國才等供稱唐大信前於十八日打

仗後竄往小祥壩現在盡係龍紹周股匪要往
王黑壩等語當將各犯正法查王黑壩距西鄉
三百餘里距川省不及百里臣已嚴飭該將弁

義勇人等務須趕緊追躡如於陝境剿淨卽係
該將弁義勇之功不可再令折回其唐大信一

股臣亦飛飭署西鄉縣宋昌琚帶領鄉勇前往

並札囑王文雄另派官兵幫同堵剿奏入

上命軍機大臣傳諭台布王文雄曰此次龍紹周股
匪經官兵追剿竄至王黑壩地方勢已窮蹙台布
王文雄等惟當督率將弁認真剿辦即將此股首
逆並在西鄉之唐大信等一併殲擒方爲伊等之
功王黑壩地方距川省不及百里倘龍紹周竄入
川境王文雄務於西南一帶會同川省官兵兩面
夾擊不可復令折回陝境至伍金柱戴家營高二

馬五各股賊匪竄聚甘境額勒登保等統領大兵
分投剿辦自可以次殲除但賊匪奔竄靡定若被
剿緊急復思東竄則陝省西面防堵最關緊要額
勒登保業已知會台布於鳳縣一帶巡查卡隘而
台布亦會奏及附近鳳縣等處所擊各卡尙爲嚴
密雖各處派有恒瑞德忠岱森保汪啟舒隆阿和
興額長春等分段嚴防而台布係本省巡撫防堵

尤爲專責不可稍有疎虞至鄉勇首千總孫榮於
官兵打仗時前作嚮導卽從黑山下壓奮勇爭先
實屬可嘉之至昨已加恩將孫榮補授千總實缺
若再能奮勉出力將龍紹周唐大信首逆擒獲卽
據實奏明候朕格外施恩

初八日

戊子

姜晟奏言竊總兵孫清元等與明亮

分帶官兵先後進剿節據經過地方文武及孫

清元稟報官兵因連日冒雨師行稍滯賊亦散
竄未遠二十四日賊匪竄入鄖縣黃龍灘鮑家
店一帶勢將奔竄二竹該處至竹谿計程二百
四十里不由大路經過孫清元等於二十五日
由黃龍灘進剿防其折竄明亮從官山河插鼓
臺由房縣迎頭攔剿臣屢經札飭竹山竹谿等
處文武嚴密堵截遏賊去路今明亮等兩路兜

圍日內定應有擊刺的音軍火糧餉大路既有
暫設糧臺滾運房縣一路亦已飛飭地方官協
濟可無貽悞至各處邊防竹谿最要臣急欲赴

該處籌防茲賊蹤已竄至鄖縣境內其穀城均

州後路業已肅清臣定於初二日自襄陽起程

前往均州如前途尚有梗阻卽在該處稍爲停
頓離營較近得信較早且可循途漸抵竹谿將

沿途各要卡周歷查勘籌酌辦理

姜晟又奏言臣於六月十二日准吳熊光咨開

欽奉

諭旨飭於豫省前撥帑銀五十萬兩內以十萬兩解楚接濟伏查楚省本年兩次

賞撥銀五十二萬兩於二四兩月先後解到臣節次

飭局樽節支放並行據隨營總理道員開報每

月應支一切統計每月需餉不下十萬兩內外
迨六月初間核計存銀無幾而粵兵馬隊分投
齊集鹽糧而外加以夫騾腳價支項繁增經費
司詳請奏撥軍餉隨就近咨商湖南撫臣祖之
望於藩庫存欵內暫挪十五萬兩先行撥濟旋
准該撫覆到已飭藩司俟其解到兌收可敷接

濟奏入

上命軍機大臣傳諭姜晟曰楚省竄匪尙在奔逃已
降旨令明亮趕緊剿辦至均州穀城一帶目下已
無賊匪姜晟仍應嚴飭該處地方官留心防堵勿
令賊匪折回姜晟現由均州前往竹谿籌辦一切
其邊隘處所或壘石爲塘或因溝加塹惟在察看
形勢督率妥辦總須令楚境之賊不能逸出他省
之賊不能闖入爲要至湖南豫省協解楚餉該省

賊匪若能卽在二竹地方辦盡則此次之二十五萬兩自足供目前軍糈之用倘姜晟籌酌情形尙有不敷亦可據實具奏聽候酌量撥給

上又命軍機大臣傳諭明亮曰連旬以來未據明亮續有奏報朕卽料其辦理未能得手本日姜晟奏稱賊匪於六月二十四日又竄至鄖縣二竹一帶不出朕之所料此時早交秋令天色晴霽時候涼

爽明亮所需索倫馬隊早經撥往而廣東廣西生
力兵亦俱陸續到齊兵力厚集乃遷延多日仍任
賊匪奔竄鄖縣二竹辦理實屬遲緩明亮務須倍
加愧勵趕緊截擊若能卽在二竹地方設法兜捕
將賊匪剿洗淨盡不令他逸並將徐添德一犯殲
獲則明亮尙有功可錄若仍前延玩于賊以暇致
令竄出楚境則明亮不但無功而且有罪軍法具

在不能曲貸也